

**2. gr.**

Vátryggingarfélög, sem hlotið hafa viðurkenningu samkvæmt reglugerð nr. 88 25. október 1929, skulu að fullu hafa lagt fram tryggingarfé samkvæmt 1. gr. fyrir 20. apríl 1970, en fyrir 20. apríl 1969 skulu þau hafa afhent kr. 1 000 000.00 í tryggingarfé.

Hafi tryggingarfé eigi verið afhent samkvæmt framansögðu fellur viðurkenning niður frá og með 1. maí þar á eftir.

**3. gr.**

Reglugerð þessi, sem sett er samkvæmt 97. gr. umferðarlaga nr. 40 23. apríl 1968, öðlast þegar gildi.

*Dóms- og kirkjumálaráðuneytið, 20. febrúar 1969.*

**Jóhann Hafstein.**

*Baldur Möller.*

**REGLUGERÐ****um fasteignaskatt í Öxarfjarðarhreppi, N.-Þingeyjarsýslu.**

Fasteignaskatt samkvæmt 3. gr. laga nr. 51 10. júní 1964 skal innheimta með 200% álagi í Öxarfjarðarhreppi.

Reglugerð þessi staðfestist hér með samkvæmt lögum nr. 51 10. júní 1964, 5. gr. til þess að öðlast gildi þegar í stað og birtist til eftirbreytni öllum þeim, sem hlut eiga að máli.

*Félagsmálaráðuneytið, 20. febrúar 1969.*

**F. h. r.**

**Hjálmar Vilhjálmsson.**

*Gunnlaugur Þórðarson.*

**GJALDSKRÁ****fyrir Rafveitu Miðneshrepps.****I. RAFORKA**

Rafveita Miðneshrepps selur raforku á þann hátt og við því verði, sem hér segir:

**A. Lýsing.**

1. Um kwst.mæli á kr. 7.80 hverja kwst. Við þessu verði skal selja hvers konar notkun raforku, sem ekki kemst undir aðra liði þessarar gjaldskrár.
2. Um kwst.mæli á kr. 3.90 hverja kwst., auk fastagjalds, er nemi kr. 21.85 á hvern fermeter gólfflatar í rúmi því er lýsa skal.

Fullt fermetragjald skal greiða af gólfleti í búðum, skrifstofum og vinnustofum, en fyrir geymslur og ganga skal greiða kr. 10.90 á ári af hverjum fermetra.

**B. Raforka til almennra heimilisnota.**

Um kwst.mæli á kr. 1.75 hverja kwst., auk fastagjalds kr. 18.00 á mánuði af hverju herbergi íbúðar. Í útreikningi á fjölda herbergja skal telja öll íbúðarherbergi og eldhús, en ekki ganga, baðherbergi og geymslur. Herbergi, sem minna er en 5 ferm., skal telja sem hálf, en stærra en 25 ferm. sem tvö.

**C. Vélanotkun o. fl.**

1. Um kwst.mæli á kr. 3.90 hverja kwst. Hafi vélarnar mjög stuttan notkunartíma, má krefjast minnsta árgjalds kr. 2231.00 á hvert uppsett kw.
2. Vélanotkun til bráðabirgða um kwst.mæli kr. 3.90 hverja kwst.
3. Ef uppsett rafvélaafl fastengdra véla er yfir 20 kw.:
  - a. Um kwst.mæli á 65 aura hverja kwst., auk fastagjalds kr. 2231 á kw. Notað afl telst vera mesta meðalálág á árinu mælt yfir stundarfjórðung.
  - b. Ef ekki eru tök á að mæla notað afl, má selja þannig:

Um kwst.mæli á 65 aura hverja kwst., auk fastagjalds kr. 2110.00 á hvert kw. í málraun uppsettra véla á árinu.

Heimilt er að rjúfa straum í allt að þrem stundum á dag samkv. þessum gjaldskrárlíð (C 3) kl. 10.30—12 og 17.30—19.

4. Um afl- og orkumæli:
  - a. Af notuðu afli mælt í stundarfjórðung kr. 2231.00 á kw. á ári og 65 aura hver kwst. a allri notkun.

Samkv. þessum gjaldskrárlíð heimilast að selja raforku til vélareksturs, hitunar og ljósa, en reikna skal gólfplatargjald vegna ljósanotkunar kr. 21.85 á hvern ferm. í vinnusölum, kaffistofum, skrifstofum og öðrum slíkum, en kr. 10.00 á hvern ferm. í vörugeymslum, efnisgeymslum, frystiklefum og þess háttar. Þar sem erfitt er að greina milli hverjum þessara flokka gólfplatargjald skal greiða eftir, skal greiða kr. 17.25 á hvern ferm.

**D. Hitun.**

1. Um kwst.mæli án rofs kr. 1.40 hverja kwst.
2. Um kwst.mæli með rofi í eina til þrjár klst. á dag kr. 65 aura hverja kwst.
3. Um afl- og orkumæli:
  - a. Á 65 aura hverja kwst. auk fastagjalds af mestu aflnotkun á árinu kr. 512.00 hvert kw.
  - b. Ef ekki eru tök á að mæla aflnotkun, skal greiða samkv. ástimplun hitatækja við fullt álag.
4. Um kwst.mæli á 29 aura hverja kwst. með rofi frá kl. 8 til 23.

**E. Gatna- og hafnarlýsing.**

Um kwst.mæli á kr. 3.55 hverja kwst. til gatna- og hafnarlýsingar, svo og til vinnulýsingar við nýbyggingar og aðrar mannvirkjagerðir.

**II. MÆLALEIGA.**

Rafveitustjóri ákveður stærð og gerð mælitækja, sem nota skal fyrir hverja veitu, og er sú ákvörðun skuldbindandi fyrir notandann, sem skal greiða leigu af mælitækjum sem hér segir:

1. Af einfasa mælum 60 amp. og minni .....	kr. 6.50 á mán.
2. Af þrífasa mælum 50 amp. og minni .....	— 14.30 — —
3. Af þrífasa mælum 50 til 100 amp. ....	— 19.50 — —
4. Af þrífasa mælum yfir 100 amp. ....	— 48.00 — —
5. Af mesta aflsmælum 100 amp. og minni .....	— 41.60 — —
6. Af mesta aflsmælum yfir 100 amp. ....	— 78.00 — —

Af öðrum mælitækjum en þeim, sem nefnd eru í gjaldskránni, skal ársleigan vera sem næst 20% af verði mælitækis.

### III. HEIMTAUGAGJÖLD.

Heimtaugagjöld miðast við aflþörf notanda, sem gerir grein fyrir væntanlegri notkun sinni í umsókn um heimtaug og ákveður rafveitustjóri stærð og gerð heimtaugar í samræmi við það.

Heimtaugargjald ákveðst þannig:

	Málstraumur stofnvara amp.	Hámarks afl kVa.	Heimtaugargj. kr.
1.	3 × 60	22	8 320.00
2.	3 × 100	38	12 480.00
3.	3 × 200	75 sp.	22 100.00
4.	3 × 350	132 sp.	36 920.00

Ofangreint gjald miðast við 15 metra langan jarðstreng eða 30 metra loftlínuheimtaug. Þar sem heimtaug þarf að vera lengri en að framan greinir, skal það, sem fram yfir er greiddast samkv. kostnaðarreikningi. Lengd heimtaugar reiknast frá lóð-armörkum við götu, stytzu greiðfæra leið að varkassa á útvegg. Teljist hagkvæm-ara að hafa varkassann á innvegg, skal leita samþykkis rafveitustjóra um gerð og frágang pípu, sem strengurinn er dreginn í, svo og staðsetningu varkassa svo að-gengilegt sé að komast að honum.

Sé lögð bráðabirgðaheimtaug í vinnuskúr eða hús í byggingu, skal greiða fyrir hann sem hér segir:

Fyrir 60 amp. einfasa .....	kr. 1500.00
Fyrir 60 amp. þrífasa .....	— 1800.00

Verði þörf á að skipta um heimtaug vegna aukinnar orkuþarfar, skal notandinn greiða mismun samkv. gjaldskrá.

Heimtaug verður ekki lögð meðan frost er í jörðu, eða óveður há útvinnu. Sé um óskipulögð svæði að ræða, eða óeðlilegar aðstæður, skal greiða heimtaugar-gjald samkv. kostnaðarreikningi. Ef fleiri en ein heimtaug er lögð að húsi, skal hús-eigandi greiða allan kostnað við síðari heimtaugar eftir reikningi.

### IV. OPNUNARGJÖLD.

1. Hafi gjald samkv. gjaldskrá þessari eigi verið greitt, svo að til lokunar hafi komið, skal greiða gjald fyrir enduopnun kr. 150.00 fyrir hvern mæli.
2. Ef fundin eru of stór vör við skoðun, skal veitunni tafarlaust lokað og ekki opnuð aftur fyrr en notandinn hefur bætt úr því og greitt kr. 115.00 fyrir enduopnun til innheimtu rafveitunnar.

### V. HEIMILD TIL GJALDSKRÁRBREYTINGA

Hreppsnefnd Miðneshrepps er heimilt að hækka eða lækka gjöld samkv. gjaldskrá þessari um allt að 20% án sérstakrar staðfestingar ráðuneytisins, enda verði breytingin auglýst í Lögbirtingablaðinu áður en til hennar kemur. Hækki innkaups-

verð á raforku, kaupgjald eða verðlag er breppsnefnd heimilt að fengnum tillögum rafveitunnar, að hækka rafmagnsverð um allt að 40% af hækkuninni.

Söluskattur er innifalinn í gjaldskránni.

Gjaldskrá þessi staðfestist samkvæmt vatnalögum nr. 15 20. júní 1923, og orkulögum nr. 58 29. apríl 1967, til þess að öðlast þegar gildi og birtist til eftirbreytni öllum þeim, sem hlut eiga að máli. Jafnframt fellur úr gildi gjaldskrá fyrir Rafveitu Miðneshrepps, nr. 68 29. febrúar 1968.

*Atvinnumálaráðuneytið, 21. febrúar 1969.*

**Ingólfur Jónsson.**

*Dorv. K. Þorsteinsson.*

24. febrúar 1969.

Nr. 65.

**Staðfesting forsetans** á skipulagsskrá Utanfararsjóðs sjúkra í Strandasýslu, útgefin á venjulegan hátt að mandatum af dómsmálaráðherra 24. febrúar 1969.

Skipulagsskráin er þannig:

## SKIPULAGSSKRÁ

### Utanfararsjóðs sjúkra í Strandasýslu.

#### 1. gr.

Sjóðurinn heitir Utanfararsjóður sjúkra í Strandasýslu. Hann er stofnaður með frjálsum framlögum einstaklinga og félagssamtaka.

#### 2. gr.

Hlutverk sjóðsins er að styrkja sjúka, sem þurfa nauðsynlega að leita sér lækninga erlendis að dómi yfirlækna Landspítala Íslands.

#### 3. gr.

Stofnfé sjóðsins, sem nemur krónum 61 000.00 og svo það fé, sem síðar kann að safnast, skal ávaxtast á hagkvæmstu vaxtakjörum í viðurkenndri peningastofnun í sýslunni.

#### 4. gr.

Stjórn sjóðsins skipa 5 menn. Skulu 2 kosnir af Kvenfélagasambandi Strandasýslu, 2 af sýslunefnd Strandasýslu. Héraðslæknirinn á Hólmavík skal sjálfskipaður formaður sjóðsstjórnar, en sjúkrahússformaður til vara.

#### 5. gr.

Styrkjum úr sjóðnum skal úthluta samkvæmt umsóknum, samanber 2. grein. Skal styrkuppheð fara eftir mati sjóðsstjórnar hverju sinni. Aldrei má þó úthluta meiru en svo, að eftir standi krónur 15 000.00.

#### 6. gr.

Reikningar sjóðsins skulu endurskoðaðir árlega af tveimur endurskoðendum, sem skipaðir eru af stjórn sjóðsins.